

Denn erstlich ist ja war / daß die heilige
Schrift sey aus dem Geist in den Buch=
stab geflossen. Denn die heiligen Pro=
pheten vnd Apostel / haben was ihnen
vom heiligen Geist ist offenbahret / oder
was sie von ihm gehöret vnd gelernet / mit
Worten außgeredet / vnd in den Buch=
stab verfasst / oder die Göttliche War=
heit vnd Weißheit außgeredet vnd be=
schrieben. Der Geist des **HERREN** /
saget David / hat durch mich gere=
det / vnd seine Rede ist durch mei=
ne Zunge geschehen.

2. Sam. 23.

Darnach zum andern / so hat ja der
heilige Geist im Wort / die newe Geburt
abgemahlet vnd beschrieben / vnd angezei=
get / wie der Mensch seyn sol / wie er leben
vnd wandeln sol / daß er Gott gefalle.

Zum dritten / so ist ja war / daß Got=
tes Wort vns nichts nütze / es sey denn in
vns / vnd werde in vns lebendig / vnd bringe
seine Frucht. Denn selig sind die
Gottes Wort hören / vnd bewaha=
ren in einem feinem guten Her=
zen / vnd bringen Frucht in Ge=
dult.

Luc. 8.

D iij

Dars